



Sarajevo: 04.01.2023. godine

Bosna i Hercegovina-Federacija Bosne i Hercegovine,  
Kanton Sarajevo - GRAD SARAJEVO  
GRADSKO VIJEĆE

PRIMLJENO: 06 JAN 2023			
Org. jed.	Broj	Prilog	Vrijednost
01-CV-04-	10/23		JL

**GRADSKO VIJEĆE GRADA SARAJEVA  
PREDSJEDAVAJUĆI GRADSKOG VIJEĆA  
Komisija za izbor i imenovanja**

**PREDMET:** Prijedlog za dodjelu priznanja „Počasni građanin Grada Sarajeva“

Poštovani,

U skladu sa odredbom člana 12. Odluke o priznanjima i nagradi Grada Sarajeva („Službene novine Kantona Sarajevo”, br. 34/10 – prečišćeni tekst, 14/14, 31/14 i 11/20) kojom je, između ostalog, propisano da prijedlog za dodjelu Priznanja može podnijeti udruženje građana, građani pojedinci, te druge organizacije i zajednice, a u vezi s tim, FK „Sarajevo“ podnosi

**PRIJEDLOG**

**za dodjelu priznanja „Počasni građanin Grada Sarajeva“  
VINCENT TAN**

**OBRAZLOŽENJE**

Tan Sri Dato 'Seri Vincent Tan Chee Yioun rođen je u februaru 1952 godine u Batu Pahatu, Jahor, Malezija. Poznati je malezijsko-kineski investitor i poslovni čovjek. Rođen u siromašnoj obitelji, počeo je raditi ubrzo nakon što je završio srednju školu. Dobru poslovnu ideju dobio je u dobi od dvadeset i jedne godine nakon što je naišao na članak o McDonald's hamburgerima i počeo sanjati o otvaranju franšize McDonald'sa u Maleziji. Oko pet godina nastavio je pisati pisma toj kompaniji, da bi na kraju otvorio prvu prodajnu kuću McDonald's u Maleziji, a nakon toga uveo i druge međunarodne franšize za hranu i piće.

Vincent Tan malezijski biznismen i investitor, suvlasnik je fudbalskog kluba Sarajevo. Osnivač je Berjaya Corporation Berhad, raznolikog konglomerata koji kotira na malezijskom ali i svjetskom tržištu. Osim držanja udjela kroz grupu kompanija Berjaya Corporation, Tanovi

UDRUŽENJE FUDBALSKI KLUB "SARAJEVO"





ostali udjeli uključuju udjele u poslovima povezanim s sportom, turizmom, hotelijerstvom, softverskim i inženjerskim poslovima, vodom, medijima, maloprodaji i telekomunikacijama.

Tan je u svijet fudbala ušao prije skoro petnaest godina, kada je u maju 2010. godine kupio Cardiff City. Potom je u decembru 2013. godine kupio FK Sarajevo, a 2015 je kupio i Los Angeles FC iz američke MLS lige.

Važan dio svakog velikog kluba u svijetu su i njegove omladinske selekcije kao što je i Akademija FK Sarajeva, kojoj se posebno u zadnje vrijeme posvećuje velika pažnja, na kojoj i sam Tan insistira i nerijetko, mladi igrači koji su prošli sve starosne kategorije svog kluba, nose igru prve ekipe. Nakon njegovog dolaska u FK Sarajevo, klub počinje aktivno da razvija svoju akademiju fudbala i da radi sa talentiranom djecom iz Sarajeva i čitava Bosne i Hercegovine. Značajna su ulaganja bila i u taj edukativno, obrazovni sportski kamp za omladinski pogon, Akademiju Fudbalskog kluba Sarajevo. Vincent Tan je karizmom i značajnim ulaganjima u Sarajevo stekao i simpatije brojnih Sarajlija koji ga od milja zovu amidža.

Ono što je posebno važno i što smatramo da bi bilo značajno da Gradskog vijeće Grada Sarajeva, podrži naš prijedlog i donese odluku o proglašenju gosp. Vincenta Tana počasnim građaninom je i to da je nakon njegovog dolaska u FK Sarajevo, klub sa Koševa riješio gotovo sve svoje finansijske probleme i veoma brzo postao stabilan u svom poslovanju. Riječ je o milionskim ulaganjima koja je gosp. Tan uložio u Sarajevo.

Molimo Vas da prihvatite našu ideju i da dobijemo Vašu podršku da našeg uvaženog suvlasnika i čovjeka koji je puno pomogao Fudbalskom klubu Sarajevo, gosp. Vincenta Tana proglasite počasnim građaninom Grada Sarajeva.

Bila bi to značajna odluka, ali i veliko priznanje čovjeku koji je uložio jako puno novac i ljubavi kako bi ovaj simbol Sarajevo postao još jači i prepoznatljiviji. Svojim učešćem i djelovanjem kroz naš klub, dao je veliki doprinos afirmaciji Grada, izgradnji međunarodnih i međuljudskih odnosa, koji počivaju na načelima humanosti i tolerancije. Na ovaj simboličan način pokazali bi zahvalnost, odužili se za njegovo nesebično zalaganje, ali sigurno smo i motivisali da nastavi sa ulaganjima u FK Sarajevo, a samim tim i u naš grad i njegove građane.

Hvala Vam za Vašu cijenjenu podršku.

**Podnosilac prijedloga**  
Generalna direktorica,  
Alimanović Ajla



UDRUŽENJE FUDBALSKI KLUB "SARAJEVO"

